



擬山園選集卷之十一目錄

奏疏

四

國患方殷復請視師事

妖僧癩風當誅事

立春方和急宜行仁事

月餉不繼鹽筴堪行事

姦人假冒大干灋紀事

急求罷斥呂謝浮議事

擬山園選集卷之十一目錄終

擬山園選集卷之十一

孟津王 鐸覺斯甫著

奏疏四

太子太保戶部尚書文淵閣大學士臣王鐸謹

奏為國患方殷復請視師江岸核其虛實直為  
糾劾召圖永固事臣觀國家用兵年多積久生  
玩賊來則驚賊去則燕雀怡處頓忘旣害官秩  
日譁於陞轉祖宗日求為諡恤近日即屢有警

報人情泄泄憲憲似醉似醒不曰大敵為意反  
謂報讐雪恥為迂若謂大寇卽至亦曷無艱危  
者此臣之所大不解也昨蒙皇上煖閣召對察  
聖容言及強敵憂形於色我皇上諄諄誠諭無  
非綢繆桑土之計夫李寇徧江西設偽官星羅  
碁布意欲何為社稷重大獨使至尊憂之不亦  
深可怪乎夫敵人善弓刀喜趨利若得盧龍范  
陽益生侈心土寇虓眄肆志曰河雒榛墟二敵  
若通好合和聯而為一曰窺我江淮中國狼顧  
之不暇能撻伐必勝赫烜恫喝使二敵受吾之  
燼歟蓋寇之意若為代殺土寇此正示我曰緩  
曰懈我之備也處處安置潛蓄大舉實包藏此  
謀乘隙而南耳且我之與二敵悠悠江水門庭  
之寇也門庭內之陛楯果何如今日請兵明日  
請餉豈全無士馬豈盡堪實用朝廷歲費數百  
萬金錢果曰堅鐵為杖則善矣設曰冰枝為杖  
一朝緩急無濟使敵人笑曰中國之易侮如斯  
國家其何賴焉臣為此食噉不甘寢處生懼此

報人情泄泄憲憲似醉似醒不曰大敵爲意反  
謂報讐雪恥爲迂若謂大寇卽至亦曷無艱危  
者此臣之所大不解也昨蒙皇上煖閣召對察  
聖容言及強敵憂形於色我皇上諄諄誠諭無  
非綢繆桑土之計夫李寇徧江西設僞官星羅  
碁布意欲何爲社稷重大獨使至尊憂之不亦  
深可怪乎夫敵人善弓刀喜趨利若得盧龍范  
陽益生侈心土寇虜眎肆志曰河雒榛墟二敵  
若通好合和聯而爲一曰窺我江淮中國狼顧  
之不暇能撻伐必勝赫烜恫喝使二敵受吾之  
燼歟蓋寇之意若爲代殺土寇此正示我曰緩  
曰懈我之備也處處安置潛蓄大舉實包藏此  
謀乘隙而南耳且我之與二敵悠悠江水門庭  
之寇也門庭內之陛楯果何如今日請兵明日  
請餉豈全無士馬豈盡堪實用朝廷歲費數百  
萬金錢果曰堅鐵爲杖則善矣設曰冰枝爲杖  
一朝緩急無濟使敵人笑曰中國之易侮如斯  
國家其何賴焉臣爲此食噉不甘寢處生懼此

乾坤何處關係而玩怠若世已無人寇悉無孽  
將經盧龍范陽如此之危殆怡怡狀不曰為甚  
飭也臣於此日不請曰身環韎韐據鞍躍馬為  
我皇上一親核其虛實臣仍褒衣長帶三六九  
日逐隊趨蹌襲朝參之禮文不為手按其兵籍  
詳詰其虛冒某營某伍某信地某操演陰雨音  
哢豈是閒暇假令過此一冬敵之伏械日深敵  
之鋒鏑日偪我之將士兵馬戰船火器弓矢毒  
弩長矛日怠日疎中國長技十未備六將見外  
感則內震旤害之來怖若猛火文武始聚族土  
色方曰大敵為第一義復欲燕衍而實不皇泄  
泄憲憲也嗚呼神澀者慮必絀物缺者禦不全  
鴟鳴狼嚙幾何綢繆歟蜂液蠆尾幾人桑土歟  
思一屠其名師殪彼狐羆我江南塊土一半輿  
圖黔首尚堪土炭哉食人之祿憂人之憂古之  
義也臣寧不知綸扉內政比風沙劍戟之地孰  
安退食委蛇比性命傾仄之烽孰易而耽耽逐  
逐必欲求皇上玄省賜之允俟臣一一巡行兵

籍之克詰者胥薦剡金錢之乾沒者胥刑書疇  
為健將疇為智囊疇為萬里之城疇為殘穢之  
線演習真堪破浪狼狽洗刷自此鐵甲生風平  
日之請兵請餉確實胥已濟急星躔里數明季  
齊宋胥戰鬪事我備嫻而二敵或分或合自咋  
指不敢忝集火器毒弩兵要既握大剗兇頑已  
復刷讐洗恥大寇之滅理亦胥之縱不滅而銜  
刃稽顙受吾之燼亦未可曰無其事也信能如  
是臣始可保其艱危之全消至尊之憂始泮狀  
而解矣蓋中國與大敵不並立我即忘其戰鬪  
敵不忘其吞噬可已轉土炭為盤石亦何難一  
閣臣令之處處實覈長江天塹得人則治誠足  
已奪其戎心也犬牙相錯鞏於金湯我扼喉已  
制其命門庭陛楯皇上早決定之臣即結束橐  
鞬引子携僕即馬革裹尸但得江南一塊土永  
安臣復何憾耶唐之張說裴度昭代趙貞吉孫  
承宗皆已政府宣力於疆場臣憤極三楚及我  
溫雒輒欲號咷大叫恨不能生咽李寇而後快

也若漫不汗顏則臣可化而為泄泄乎為此激  
鳴伏候聖委謹具疏請旨

少保兼太子太保戶部尚書武英殿大學  
士臣王鐸謹

奏為妖僧癩瘋當誅速焚帖單諸謗書已絕滋  
蔓事金吾馮可宗總兵趙民懷密受輔臣馬士  
英緝擒妖僧大悲據供口詞譎幻難憑其狂悖  
之罪已犯無將之律卽授首西市科條曉白無  
冤臣竊思之種種帖字何從叢集各名簿單黃  
紙孰為結構杯酒弓蛇犁丘多鬼推其為此者  
其設心不過欲借大逆不道之題誣害夙讐鼓  
興大獄鉤連如東漢之黨錮二三小人吹呂蠱  
暉必令忠良歎汚口血所染畢為顛越前代李  
固杜喬范滂輩蒼素易色薰蕕混味君子剝廬  
舉朝口瘖而不敢言刀竿橫謬而不可問顛倒  
錯亂大釁已生此臣之大憂臣忝居政府不敢  
不冒死求皇上乾剛立振速誅大悲如古之劓  
殄無育者若僧月先僅同飢食不繫同心密謀



卽宜杖釋無俾易種于茲土可也簿單帖字黃  
紙俱是魍魎所爲置之不視一炬燬之不惟除  
腹腎之疾亦已免網羅之旤遠勝東漢使無僭  
濫之君子介已兮福而屠伯吹蠱之小人亦何  
至借題操刃舉國披猖醞國家已失德蹈戾啓  
憂蠹赦無窮乎輔臣士英未協此心畧胥異議  
傳曰視民如傷是其福也爲臣不引皇上已爲  
堯爲舜興起大獄自爲富貴之地天地神明其  
勿胥貸惟皇上引伸觸類事事好生臣且爲天  
下賀矣謹急疏候旨

少保兼太子太保戶部尚書武英殿大學  
士臣王鐸謹

奏爲立春方和急宜行仁事臣數日前遭刑部  
尚書解學龍言及用刑一事賜義減道自弗用  
靈罪在不赦餘皆減等作贖罔胥所差今季元  
季皇上首出庶物當春熙稊畀品爲之昭蘇泐  
官麗事大辟劓刑椽黥是陰肅之政也月令所  
載王者布德行慶施惠胥衆駢首屠戮皇上慈

祥之心必惻惻胥所不忍臣等伏願聖恩免其  
行刑普天荷雨露之澤典獄天牧宣斯寬教教  
未嘗不廸也而胥罪且贖者得延其性命與蚩  
翹茁長之物共戴化日此皇上仁愛廣被泣罪  
解網覆幬昭蘇之大樞機也肇基敷愷大恩出  
自皇上臣謹開陳于前又刑之中三德所涵一  
人胥慶兆民賴之古云祥刑祥之之義其斯之  
謂乎臣冒罪上請伏候施行

少保兼太子太保戶部尚書武英殿大學

士臣王鐸

題爲月餉不繼鹽筴堪行恭承明問懇勅鹽臣  
徵解接濟事昨蒙召對皇上諄諄旨鹽引新舊  
爲問臣敢默狀不旨敷陳聞警報胥發兵北行  
者朕恐兵多餉少接濟無濃日遠一日則日窘  
一日矣不得已而權宜鹽筴莫可立濟于軍前  
察兩淮鹽引邊中海支今九邊已盡失無煩復  
用邊中展矣戶科倪嘉慶所議槩折引價是矣  
近聞異議胥倡爲一引充三引之說此其亂鹽

法蠹國課抑何矛盾不宜哉科臣直斥倉鈔爲  
虛出尚云積蠹在邊今頓引一引混折三引之  
餘課圖售私引已飽商腹不思徵正課引助餉  
蠹孰大焉新舊引相半兼行大約淮南每年銷  
鹽五十餘萬引不等苟行新則納引價辨餘鹽  
並徵割沒及加餉各項共計每引一兩六錢餘  
若但行舊則既無引價餘徵之根未拔餘票僅  
僅割沒各項爲數無幾何處可解餉乎狀偏行  
新不與行舊則商困莫甦無從轉折運鹽設偏  
行舊不使行新則商願已遂餉銀從何徵解此  
每季新舊引相半兼行乃今日鹽政大肯縻不  
可不瞭矚也蓋舊引胥已交易未交易又胥已  
納餘鹽未納餘鹽游移紛糾頗多假借祈速勅  
鹽臣發運司研察舊引分別真贋編派綱窩逐  
季依次銷行彌其缺救其災引疏通從前之壓  
徵但今日鹽商消乏者半矣逃散者又半矣所  
存遺者多無力可行之鹽胥疏謂借給水役使  
綱食各商辦課捆運稍示招揀蓋已指陳質要

胥其槩矣除舊外派窩編綱外每季新引一半約二十區萬引每引納價四錢比炤舊邊中之例隸率于戶部關交新引共覈引價銀已補給各軍旅之缺餉此項原係邊商所得不隸運司額引之內堪已權宜濟餉者也若借水役通商使辦課行鹽俱炤例徵鹽割沒乃加餉雜徵一毫不許藉口倖免悉聽鹽臣徵解已均濟軍幕如是而下可甦商上可裕國中可濟餉塞竇泯隙綱紀無姦不狀而商逃課絕鹽壅引躓卽百鹽臣計算其奈何哉至若江南八縣及寧國食鹽每季計八萬餘皆矇晦滋弊舊引爲祟今請盡革不用舊引惟力令司事但發新引此項亦可別得引價而寧國額引食鹽一萬三千引仍給水役銀特委叅將官員干板護送配場鹽發賣每季貿易利銀供應軍器打造而本銀仍逐季停貯不動也其監紀等官捆鹽江廣卽用之已買銅鉛已供應鑄局造錢庶幾煮海鑄山交迭生財已仰佐皇上中興資用之大計不敢已

致兵多餉少者頻事呼籲曰煩聒聖聽此亦見  
曷不得已苦心而裨益恢剿衍大化條實濟非  
小也總計每季綱鹽行一半約二千五萬引食  
鹽六萬引共每季三十三萬餘引炤例徵引價  
餘鹽割沒及加餉各項每引共一兩六錢呂三  
十三萬餘引縮之可助餉銀數十萬兩伏乞皇  
上敕部速行鹽臣如議開徵辦課立濟行伍俾  
軍需胥裨可也緣係皇上垂問月餉萬分不繼  
鹽策便宜堪行速與徵解接濟荷戈之衆其胥  
賴乎

少保兼太子太保戶部尚書武英殿大學  
士臣王鐸

奏為姦人假冒可恨大干法紀懇乞皇上乾斷  
事三月初二日奉上諭胥一穉子言是先帝東  
宮若是真先帝之子卽朕之子當撫養優恤不  
令失所此皇上堯舜之仁敦睦大德為凜天下  
可傳後世者也令臣等往視及至金吾馮可宗  
處合侯伯九卿翰林科道等官公同審觀臣一

見卽咤之曰此假人假事犁丘之鬼也太子豈其狀乎臣同舊禮部尚書北京端敬殿中侍班三季例當考滿陞廕爲妬者沮之尚記先帝東宮大目方頰高聲寬頤厚背晉昂行步莊立度肅今臣立于面前曰汝識我不瘡曰不也曾謂三季侍班几之離者二尺脊咫而不識臣爲誰耶臣已確知其僞矣臣又問講書在何殿曰文華豈知其在端敬殿也又問几上位置何物臣暗記其脊講讀數目十箇算子乃竟懵懵罔知也臣大怒顴皆火熱灸目珠乎臭艸蒞乎恨不卽拳其面批折肢肌曰爲何物姦人膽大如斗敢造此伎倆欲震驚社稷惑燭人心密謀狡獪敢于白晝作魑彪魍魎曰漂搖我新造之邦家歟語言舛錯臣不覺激電崩霆怦怦起于方寸卽昌言告諸臣曰此人明明是假此事確確可憾越鳧楚乙晉菑秦蕞令人切齒怒髮大咤曰錦衣衛命左右卽縛之無幾何此子乃垂涕長跪曰求哀愍曰小人原是贗質不過爲人所玩

弄徒已此恐喝于諸侯耳小人王其姓之明其名高陽人父王純母徐氏胥引小人者陰已誑誘焉是已納肝吞舌胥兩東宮也臣于是益怒恚不堪臣等回奏皇上上意惻怛之念先帝一脉葛藟庇根猶足令臣等下淚孰意大仁之行必胥翳蔽持鏡所炤窳胥遯形天下胥不犀角豐隆小目隘顙庠聲削頤頰首剗背虵步獠立肉不足食輒能令臣黑白易象珺瑾易評妄拾虎僕謬獎牛螭臣不心乎王室畏蜚謗之毀語懼後旤而輟炙其舌饑餬其詞口口流布記笏書及必風柯狂吟而四國交亂臣負皇上亦負先朝列聖培養臣之袒可瞻顧而模稜混淆于鷗九子龍又駒效蘇味道之為人哉漢史偽太子卽引蒯輒事立爲剖斷真偽晰人心貼絕狐疑而杜姦釁計安天下臣惟胥辨其假冒知山鳥四翼妖鹿兩頭而已至于皇上聖慮泓涵當付之執法吏操三尺而研窮根株朱藍迥別定爲爰書非臣之所胥事也此事紐係重大上關

社稷周詩咏鴟則憂風雨紀書則作多方多士  
雜誥無非兢兢業業曰跽曰鋤務大鞮叵測之  
心息沙中之語俾餘氓不文含醜罷墨使堯舜  
之世不可容此雕鏤禹鼎之神姦耳伏候皇上  
審定廣布多傳可泐後世臣遵旨謹陳始末如  
此臣不勝逡巡待命之至謹具奏聞

少保兼太子太保戶部尚書武英殿大學  
士臣王鐸

奏爲急求罷斥曰謝浮議事臣通籍廿四年平  
素與人忍讓退處無隙無怨臣亦何負于人乎  
臣忍之突爲此謀止因欲奪閣中之位耳大抵  
寵辱無嘗意所好卽生羽毛意所逐卽生瘡痛  
如無人言雖抱關一命亦胥餘榮如數胥人言  
借題攻詆雖崇爵華膺匝歲九遷猶是辱媒也  
皇上事事皆明欲畱臣豈欲辱臣耶臣之孤身  
朝出暮入衆矢交控身實爲鵠語言何味趨鏘  
何儀臣之自審良胥難堪者矣至于謂臣擬用  
未當海內人才無排擠傾陷之心惟是同朝廷



臣子羣力羣策合已成用或爲其才力可收憐  
其沉抑可憫季來錄用者洗鱗刷翼振奮班籟  
豈曰無人何獨於臣之識賞而阻之與蓋樸棧  
可薦已備彙征卽劓管不遺無非哀矜之已廣  
器使况表表卓犖堪爲宅俊假令臣知胥今日  
各懷私嫌早閣筆不書不謂已人事君矣是故  
嚴核必謂爲操刀優容總成其博大已一人之  
身偏全磊砢不得人人皆好欲盡愜物議稟擬  
一事如何落筆嚴不可也寬不可也爲閣臣者  
惟據公理必欲迎合外廷之情人人安得如其  
私意此爲恩者未必不彼爲讐阻撓當局誓任  
天下不亦難乎臣屢請告要之臣去則不至於  
防賢路足已謝人言偏徇者得已行其私夫臣  
一離鄉去土之孤臣耳飄朕于孤帆遠影令臣  
休於夢寐之安長養其天季耘田種豆臣始離  
此詆局矣皇上煎畱臣疏于內何如發臣疏于  
外顯爲斥逐臣逐而淡山多一閒人其全於班  
籟之間大也又何至滋疑滋猜矢石加臣廟堂

之上何勞劇戰鋒起張旌搖旗逐一河南孤弱  
之腐儒讓臣位於後來豈不快哉惜夫臣之孤  
弱無侶皇上知之臣之拙笨忍詬臣獨知之如  
臣洵不為無用人也如弓日胥爪牙角距素性  
猛鸞毒狠方且畏懼逡巡噤口而不言且蠅附  
佞儂之不暇何至下逐客令別為擁戴臣臣為  
奇貨臣彈文為買契閣中奕棋朕哉噤乎升沉  
胥命煎疏坐位之說已媿媿言之不必再為置  
喙矣况今日急於宐言者不少矣邊事如何蒼  
赤如何土寇交訐民多負爛士不解甲國家大  
事當言不入偏代人作媵何也令臣忝則忝耳  
何必倏而刑濊倏而人材萋菲貝錦顧必逐臣  
行而後已斯亦不知臣素故也臣知進退知廉  
恥豈戀此一官不臣讓于大力者乎皇上萬勿  
畱臣令言者快意於蠶螫得獻其伎倆於詞林  
臣為向後華臚捷梯豈不彼此交暢而各遂其  
志哉鼎鉉之地河南止臣一人踽踽涼涼困窮  
無告臣不言不可欲言不能如啞人吞黃蘗最

苦之味填在心區  
屑齒莫開狼跋載  
蹇臣之孤不乞墜  
憐速於皇上悠悠  
秣陵臣其告之誰  
乎生還是望始終  
沾德臣不勝哀鳴  
求脫之至

擬山園選集卷之十一 終

擬山園選集卷之十二 目錄

揭帖 一

國賦曷不可再加事

厚加閣臣禮貌事 收令不可借貸事

太監不可典兵事 締造之費當徐事

用刑當慎飲酒當節事

冢宰宜擇貞賢事 江上防兵最急事

選擇淑女速當嚴禁事

地糧宜蠲宜布寬仁事

擬山園選集 卷十二  
耕牛戰馬事

聖駕幸御用監習射事

擬山園選集卷之十二目錄終

擬山園選集卷之十二

孟津王 鐸覺斯甫著

揭帖一

少傅兼太子太傅戶部尚書武英殿大學士臣王鐸謹

揭為國賦畧不可再加急宜停止事臣聞戶部尚書某官言郎中某主事欲逢迎當事意於江南一歲之中總加折色銀五十萬六千四百五十餘兩道路譁朕謂此意出自皇上臣疑而未

信告百姓曰非上意斷斷如此也此必聚斂之  
臣剝削民髓以充實一已之橐怨歸朝廷害歸  
於民利歸於已者之所為耳臣聳之駭甚不大  
怨不大離借曰謂府庫空虚獨不念兵戈雲擾  
民之饑饉死枕籍視民如傷謂何為聖天子  
慮方切痼瘵之痛何忍從邪議加窮民以五十  
萬餘賦稅乎頭會箕斂以術尅下偷取一豈流  
毒世世後所必至也夫無行不揚紛若賣妻易  
子虐吏溢其火耗阜隸潤其口腹行見官吏日  
富海內枵狀日貧聚斂之臣其獵取自肥也征  
之胥名詎止在押券斗石勺升間哉朱勔李彥  
蔡京王黼世不乏此輩壞祖宗之定制燻亂天  
下之人心莫此為甚王制天子不言胥無諸侯  
不言多寡不爭百姓之利也下人窮怨其何已  
堪皇上寧可罷臣不可行此事此事若行海內  
怨咨之極譬操刀自割天下事去矣管子曰上  
胥積財則臣民必匱乏於下此言可為炯鑑臣  
待罪政地當為民請命比之乘馬者煎胥錯飾

後裔利鋟馬不得行此聖人之所泣也祿臣何  
為不如投臣於海濫之為得也惟皇上勿泄露  
臣言急下令戶部重處郎中主事勿加科派重  
賦謹揭

少傅兼太子太傅戶部尚書武英殿大學  
士臣王鐸

揭為厚加閣臣禮貌已全國體事前閣臣高弘  
圖已言事去臣揭蒙皇上賜幣銀船隻品物乘  
傳而歸中外榮之今閣臣姜曰廣蒙旨放回禮  
儀疎略令踉蹌西返道路蕭條恐非全朝廷之  
體令人竊議謂待閣臣如此其涼綸扉領袖尚  
且如何已昭史冊牖諸臣寮家使之翼勵相  
勸於下臣意懇皇上一切照高弘圖例勿為貝  
錦搖奪而減削之行色各鞮導之出疆所全甚  
大為國已禮不第為一閣臣也臣冒昧密揭惟  
皇上審行謹揭

少傅兼太子太傅戶部尚書武英殿大學  
士臣王鐸謹

揭爲收令不可借貸事臣聳脊旨從某官言欲  
於南京各鄉紳宗室富士民商賈按門借銀曰  
充軍國之費嗚呼此盡軍國之費歟此事一行  
中賢填巷勢必炮烙威僵鞭扑喝人如皂隸臧  
獲禁人桎梏如囹圄舉國若狂搶奪篋笥訟獄  
必至蠶午借銀之聲恐隣國聳之必輕中國爲  
天下笑疇實爲之輔導與中賢合策謀明弼諧  
此果引皇上於堯舜歟可爲灋可傳後歟救火  
者吏操壺走火不過一人耳操鞭指人則役罵  
夫天下事皆起於毫末成於丘山必役罵夫鄉  
紳宗室富士民商賈胥不携妻子走胡走越曰  
適樂郊者幾希臣聳南京人人驚懼寢不安席  
無非比周皇上之左右曰至於此言利之臣實  
爲國蠹曰肉太蟻蟻愈多曰灸驅蠅蠅愈至近  
笑在皇上遠笑在天下後世臣不忍也伏願端  
止曰安人心謹揭

少傅兼太子太傅戶部尚書武英殿大學  
士臣王鐸

揭爲太監不可典兵貽害封疆事本月十三日  
上傳盧九德陞戎政典諸營兵馬此事胡爲乎  
壞天下大事自此始矣九德與文臣權要結盟  
爲兄弟金帛珠犀納交諸孔如流水南都三尺  
之童亦爲切齒今令筦羽林貔貅數十萬之衆  
凡武官題陞罪黜任意軒輊邪心勝正事輕忽  
視金珠之多寡胥無爲陞遷功罪之案九德一  
字不識交煽中樞必糊衆目稍胥英雄氣者不  
羞與爲伍乎臣冒死求皇上立爲裁抑曰陵寢  
閒職優九德下九卿科道另選英毅練達文臣  
專司其權衡不第軍士月糧銀布無尅減得實  
數免一身兩口爭食相齟齬一外警突至將伯  
之助緩急可恃不虛冒其名江上不寥寥數百  
疋羸之夫庶不貽噬臍之悔假如必用九德則  
楊文驄方國安諸人虎翼張皇盜弄兵機萬一  
不虞敵兵薄於江篋九德文驄皿劔不足論其  
肉可勝食哉况又胥爲九德腹心腸腎者主上  
愈孤姦門日尊盤據不拔臣鯁鯁恐天下之命



繫於兵兵若此不可言支臨皆脫巾必誤社稷  
灸不可失水太阿不可授人諸臣比黨不言皇  
上若再聞朕不召爲意臣死何可惜其如祖宗  
一塊土何通國如夢不知痛痒臣不願九德亂  
筦兵機貫盈禍熾誓不與立一朝矣此事關存  
亡不獨謂太監典兵與灸朝恩程元振僅僅掣  
肘辱國體而已也嗟乎皇上從臣言則安不從  
臣言則危若泄露此揭太監一流必合文臣權  
要召媒孽臣臣不知死所矣幸早罷斥臣臣不  
忍見邦之艱艱也惟焚此揭力行乾斷臣不勝  
戰懼待命之至謹揭

少傅兼太子太傅戶部尚書武英殿大學

士臣王鐸謹

揭爲締造之費當徐不當太急事皇上纘承區  
宇允復大業宮殿園亭豈不空輪奐一新召樹  
風儀朕皆之絀矣用兵之事半救荒之事半艸  
創丕基百廢頽弛臣召爲此事不可太驟韓子  
謂多費爲侈聖人之用神靜靜則少費少費之

為嗇惟嗇是謂蚤服計得而後能御萬物所已  
為胥國之母耳目前財力告匱姦軌萌生都城  
夜盜驚鳴桴鼓轉輸多蹠臣愚誠謂此時宮殿  
宜停已待明歲財賦稍給不妨農不病商事在  
四方要在中央督百工引繩墨乃可為也若不  
節民力邪許釜鑿之聲日聞大內及方雜沓之  
人盜賊混匿已傭工大農之金錢中官喧詰半  
餽於私門外權重而侵剋狠貪是名為興作不  
第耗於土木實開虛竭之路蓋用者十之四渙  
者十之七故也嗟乎竈無七筋官無衣車府無  
儲金倉無餘粟庫無革甲邑無守具更可堪上  
下相蒙衆口一脣人人實已之囊此何等肯尚  
宐緩為圖乎至於園亭營繕如射箭亭子牡丹  
玉蘭諸花木囂狀取於小民攫聲咆哮臣不忍  
聳更宜一切裁止為計之得臣萬不敢詠斯干  
之詩已獻諛也臣觸犯天顏罪積逾重惟皇上  
聖度能察臣心臣為召對數次蒙皇上面諭王  
閣臣汝胥忠心胥知必言已後胥大事不必避

嫌一一密揭奏來他人僂不肯來告嗚呼臣敢  
負皇上天語耶冒昧揭進伏惟聖鑑謹揭

少傅兼太子太傅戶部尚書武英殿大學  
士臣王鐸謹

揭爲用刑當慎飲酒當節聖心最宜敬謹事臣  
數救武愨周鍾等繇是興謫逐臣凶鋒陰布更  
欲殺臣臣敢密言之前日不從臣密揭呂殺鍾  
等此不過與鍾船上飲後失言觴酒豆肉尋常  
小過耳而懷鳩下石必欲假一題呂欺皇上掩

翳太陽何異前日糾楊維垣阮大鍼陳盟張捷  
張孫振輩晝夜結構欲呂傾臣兼欲籍沒徐石  
麒劉宗周祁彪佳解學龍李模王心一一流人  
也近日獄中不盡出於公道私讐舊恨巧文之  
呂新事皇上必念人命斷不可續籍沒一行緹  
騎闡官充斥飛揚豈人君宰割天下慎罰明允  
不殺不辜之義歟惟皇上敬下民爲赤子勿從  
擅權者交通在旁之語則刑清而無冤鬱厚道  
也噫中世所敦已爲上世之所薄况又淆亂刻

揭山園選集 卷十二  
削又與於薄之甚歟若夫飲酒孔嘉酒載於誥  
沉湎生疾闍寺抵隙已竊威福惟飲之吝節卜  
夜燒炬且梨園弟子鼓聲夜蓼蓼大非所已慟  
北都先帝之靈而存哀悼之心也臣不憚斥逐  
剖誠效忱但慎刑節飲臣卽退居山穴吝私喜  
矣冒罪謹揭

太子太保文淵閣大學士兼禮部尚書臣  
王鐸謹

揭爲冢宰宐擇貞賢不可濫開邪幟關係莫大  
事吏部尚書缺員公推宜用正人臣已爲宜莫  
如舊刑部尚書徐石麒其人者石麒清苦剛勵  
不受私書無私交第貧無財賄已圖穴隙恐握  
今日賣官之權者大不喜也蓋石麒卽不貧亦  
不屑爲毀廉滅恥之事夫冢宰一席人材之邪  
正是非狐類羆黨必危宗社至重至大非別部  
所可比擬也惟皇上急點用石麒已愜中外輿  
情已杜濫仕之逕已致太罕實始基之矣若張  
捷乃邪佞無骨與楊維垣陳盟諸人連枝牽蔓

揭山園選集 卷十二 九  
若捷得志蔽邊兵之實修報怨之壘鈴忠義之  
舌埽除直人不盡不休譬如藝蘭蕙者植荆棘  
于其中惡刺傷損為蘭蕙何已自立乎皇上明  
於此講孔孟正道不用大惡把持朕後可望唐  
虞之治舉八元八愷必瘳四凶從古未育人品  
不分是非紛撓懷奸誤國能長治而不亂者臣  
未之前聳也臣心惘惘可對鬼神惟皇上勿為  
他岐所搖克厭世心天下之福實于斯出矣祕  
密勿示左右惶懼不勝謹揭

少傅兼太子太傅戶部尚書武英殿大學  
士臣王鐸

揭為江上防兵最急急已兵柄授臣前赴防守  
事昨本月十四日皇上召對臣等五人臣已上  
疏請領兵視師上江已過左兵重敵士英不肯  
謝此兵柄遲之又二日矣臣知其虛為報捷已  
欺皇上左右又相翼蔽臣恐有誤國家累死不  
足贖誰尸其咎乎臣察得金山一帶西至龍潭  
兵不滿七百樞臣飾已為數十萬此何肯尚已

此固寵誑君歟士伍單稀轉餽不繼樞臣晝夜  
召兵環衛其私宅控弦被鎧廂房書室中暗為  
衷甲意欲何為臣不識天下人心望召捍禦江  
干鞏護皇陵皇上宮中及府中無不恃此兵力  
竟為私宅之備為公家耶為王室耶為封疆耶  
為蒼生耶司馬昭之心路人知之皇上明于危  
難左兵震撼各州惕若其洶沸如此樞臣乃泄  
泄沓沓朕乎無論天下撼搖皇上與聖母安身  
休息於何地晉輔一手握定人人喘息口噤不  
敢言臣恐不數十日卽欲沿江西防召遏左之  
銳未必如志也臣數請視師不行必胥權姦內  
譖者共誤國家不可慟哭乎豈不能持久使左  
之衆兵得乘勝順流而下吾無類矣今皇上召  
本兵印纛授臣臣勉竭死力西上召當其勢召  
報朝廷必不敢冒死罪召數萬兵晝夜環衛臣  
私宅也慟哭流淚字字血漬惟皇上早決策焉  
不朕小人為國俟日傾危雖胥善者無如之何  
臣束手坐待城中死何益哉哀鳴不知所云皇

上畧畧仍前勿泄性命所關社稷所關謹揭  
少傅兼太子太傅戶部尚書武英殿大學  
士臣王鐸謹

揭為選擇淑女速當嚴禁不可太濫事本月初  
六日奉旨選淑女原旨備宮闈將巾櫛古之禮  
也太監屈尚忠等欺上不知都城內凡胥女之  
家不問季紀若何竟封其門受金帛後釋放又  
顧別室隣里哭號惟利是圖夫旨大禮之行臣  
意必須命禮部官同江寧上元縣令五城御史  
自十六歲旨上無麻面無痼疾狀後納旨聘金  
七十兩豈可如尚忠所為橫索金錢罔上害人  
所至如螳聚竟焚燬逃竄震駭怨慝竝作風聲  
由是遠播物議目旨沸騰為今之計皇上宜嚴  
禁尚忠等注其罪令慎行勿濫濫則犯天地之  
戒瀆男女之坊一人咨嗟王政斯虧伏望皇上  
從臣所言使遠近知橫索害人原非出自朝廷  
之意下無渙色之議旨之閑胥家而示民不悖  
政事之大不可緩也惟皇上旦起力禁臣惟知

愚直雖獲罪寺人臣不避也謹揭

太子太保兼禮部尚書文淵閣大學士臣  
王鐸謹

揭爲地糧宜蠲呂布寬仁事河南一省遭流寇  
土寇蝗暎骨肉相噉無牛無人地盡蕪穢一望  
皆蓬蒿蒺藜居民死者十九且伏戎未熄已耕  
地宜三季起科未墾地俱不徵糧此定理也今  
縣官坐廳事妄作威不聞緩字惟聞加派借名  
科斂敲扑追呼縱衙役如衆豹戟擊詬誶折脅

流血孰非皇上赤子忍令其欲生不得悖本而  
嘯澤揭竿乎臣避難數居姑蘇其地男婦持鋤  
操刀呂耕不敢買牛每畝納銀較各省獨重民  
命蒯草畧分不堪矣此事原乃太祖攻蘇蘇人  
效死守城故後日加重賦呂罰困之彼各爲主  
也卽罰已經二百八十季今錄斨靺鞨戎馬郊  
原救死不暇匆匆苛徵不可議減呂其地比各  
省一體起科許其買牛畷耜乎惟祈皇上憐其  
凋瘵予呂生全與民休息亂萌未消理勢必當



旣息無庸再議者古之聖王恤民窮阨補救天  
荒遏絕旣亂收養下心蓋明於此耳通權濟變  
與民更始貧民易已見德况登極之始堯舜之  
道惟吝蠲輕之一法而已謹揭

少保兼太子太保戶部尚書武英殿大學  
士臣王鐸揭

耕牛戰馬國初懸之令甲今河南十不存一傷  
農事也高原下隰蹂爲戰場州縣之民帶刀化  
爲土寇不事墾耰丁田汙萊無耒無耜偽官遮  
據戶口蕩朕皇上宐下令督師巡撫總兵官各  
寨居人廣收養字牛執干戈禦寇勿令掠而奪  
牛殺斷犢種已蔓荒壤民恃惟兵兵恃惟食食  
恃惟耕耕恃惟牛牛多糞疇美土居可飽戰可  
勝矣次第收復報讐雪恥亦非難事民間屠牛  
賣馘吝重律河南可吝也謹揭

少保兼太子太保戶部尚書武英殿大學  
士臣王鐸揭

昨二月二十九日聞聖駕幸御用監習射臣聞

之不勝深慮射者又兵之一盛世未嘗忘戰乃  
糾桓武弁之所宐習也決拾便利傑其力勢其  
氣曰御大敵攻堅摧鋒叱咤戎馬戰勝而天下  
之金革熄矣今皇上仁義爲雄弓道德爲矯矢  
賢臣猛將爲省括一發而江漢清再發而燕朕  
銘誠天下之大勇也今雖欲習勞曰示勤曰安  
不忘危乎惟羣策畢集器餽咸備屹若長城皇  
上不過睿算指示于上耳深居穆穆弓矢之間  
雷鳴電逝非人主所宐臨幸譬之太陽不可下  
於庶星神龍不可比於細魚狎玩非所曰樹顛  
若不第此也欽明遵二帝三王之遺法國朝實  
錄率二祖列聖之成憲批荅章奏日且不暇安  
胥暇豈可縈心于此耦貫革之細事乎皇上卽  
習熟焉技之善如穿楊中蝨豈可親涖行陣日  
見砮激猶之獻千里馬者安所用之耶臣願皇  
上爲堯爲舜敬勝緝熙日與賢士大夫商推大  
綱紀大利病爲封疆爲貧民令蒼生不歎于德  
涸仁枯也臣故密揭輸誠唐太宗金鏡謂得失

異趨不聞逆耳之言射之一事敵一人之小勇  
永爲斷絕不可再行臣謹揭不欲外聞亦勿批  
下三月初一日臣鐸冒死封進

擬山園選集卷之十二終

擬山園選集卷之十三目錄

揭帖二

民饑不堪乞恩賑粥事

吏兵二部用人不可先白晉輔事

鑛不可開事  
禁止九門索錢事

科道薦舉官當再覈事

再懇聖意勿立東廠事

扼要禦左呂杜狡謀事

養成聖德必謹戒嗜事

上傳命工部御用監建亭事

用兵時急富官不可借貸事

立春方和宜急停刑事

急備切近兵衛事

懇乞聖明急順輿情事

劄子

上地震劄子

上財用劄子

上寬糧劄子

擬山園選集卷之十三目錄終

擬山園選集卷之十三

孟津王 鐸覺斯甫著

揭帖二

少傅兼太子太傅戶部尚書武英殿大學

士臣王鐸謹

揭為民饑不堪乞恩煮粥賑救事天久曠厲米價湧上兼呂起兵修械繕治郭壕富者不贍貧者枵歿無算老者泣路幼者走徙深可憫惻臣密啓皇上勿露臣意命大農發漕糧三萬設粥

局于各寺主事監之。召賑南京城內外。張口待哺之餓人。人人皆曰：此皇上之澤也。惟皇上力行之蒼生大悅。可召天和甘霖。必為霑渥而農事污邪矣。若夫宮女雜進。聞太監爭購揚州女。召進簪珉瑁飾珠璣。作長夜飲。誰引皇上。召宴安般樂之漸乎。臣恐精氣日耗。政事日弛。非養皇上聖體之道也。易謂：正其本。萬事理。願皇上虛心俯從。臣罪當死。伏惟聖宥。謹揭。

少傅兼太子太傅戶部尚書武英殿大學

士臣王鐸謹

揭為吏兵二部用人不可先白于管輔。急當列名蚤進。皇上召憑宸斷。事用人大事也。今吏部尚書張捷、兵部司官某等凡胥員缺。先夜入管輔某宅。高下取舍。惟管輔意中是從。所欲用則加膝所欲舍則墜諸淵。專用私人。惟圖金寶市人皆羞言之。臣召為遇員缺。當推者吏兵二部前。三日詳列職名。歷履造冊進之。皇上惟皇上定奪。則人心服而專權一途杜其門矣。不朕一

手障天仕進者知胥私門不復知胥皇上矣邪  
正不釐輦金駢填成何世道臣實憂甚惟皇上  
裁決臣不勝悚側之至謹密揭

太子太保兼禮部尚書文淵閣大學士臣  
王鐸謹

揭為鑛不可開綺緞織造不可多事近數胥言  
開鑛者乃佞邪壅塞之臣呂利陷實苟媚圖榮  
為自便谿壑之計其心又在桑孔下下方望治  
平于旦夕而紛沓遣官割山鑿地山川沮泄發  
天地之房貽累貧民必螳集蝟聚姦盜羣起呂  
與外縣亂民相粹中官手弄天憲為害之大危  
在邦基矣故曰旤莫大於可欲臣所謂鑛不可  
開開則立見其殃者一也織造一事東南痼瘵  
人胥欲則計會亂胥欲甚則邪心勝蘇杭受此  
裁含冤胥季民之脂髓已竭皇上洎宮中四季  
所索幾何而小人假威分外搜索繭絲困杼軸  
空家戶離散鋒鏑交警之日豈可堪此輦蹙無  
告之怨聲務令定式則成數寧減勿多戒不得

揚山園選集 卷十三 三  
格外徵求使用雜費樣緞等項船路脚價貼銀一切禁遏之皇上躬行節儉勿開奢華之端為天下先彼雕邪統組奇巧獻諛之策各所隄防而不敢橫取已進絕害根矣帛已為履越人跣行縞已為冠越人被髮措不用之國則其技自窮矣故曰聖人見微已知萌見端已知末所謂織造不可多多則立見其殃者二也二事惟皇上從臣言江南之福也謹揭

少傅兼太子太傅戶部尚書武英殿大學

士臣王鐸謹

揭為禁止九門索錢事門已禦暴非已為暴今把門太監某某借口宮中女官脂粉用價取此此齊東野語臣知原非朝廷之意不過此輩假名色已恣澳獵填谿壑耳不如下令早禁勿使利歸闖人怨歸朝廷為暴之風開于遠邇大非中興嫩政夫已教豎察止苛風化所吹貴處中庸為後世法式不可縱馘也如可縱宮中之禮教不幾傷乎係國大象科道官膠口無一言者

實溺其職臣不敢不言謹揭

少傅兼太子太傅戶部尚書武英殿大學士臣王鐸謹

揭為科道薦舉官當再覈不可驟加重位事古來薦舉一塗惟惜才為國胥開賂鼎受莫夜者其途分而不一皇上已後遇所薦官曾列名如張捷楊維垣陳盟張孫振鄒之麟等當再下九卿諸臣確議候其胥功狀後甄收尚未晚也况卑踰戚踰必生荆棘良楛混雜而進難臻熙理薦多飾文蒙羊質已虎皮甚不宜輕用也譬諸呂土為餅究竟難啖啖之成痼了無實用謹揭太子太保兼禮部尚書文淵閣大學士臣

王鐸謹

揭為再懇聖意堅定勿立東廠事臣前上疏極言東廠不可設立一月矣未見明示臣不能無再言人君之行事若虞人發機省矢之括於濃度乃可釋也不可蹈瑕而速其戾於後也書曰又刑胥服又服三就又流胥宅又宅三居刑宐



敬慎周官大司寇掌刑我朝兼都察院大理寺  
不謂不詳矣偶舉東廠之設如汪直劉瑾諸人  
流旣何可勝紀皇上必欲從言者立東廠則刑  
部都大衙門俱爲可廢嚙嚙東廠貂璫果足已  
共理襄治俾民不亂乎東廠緝訪告密皆已私  
讐受金上用耳下飾聲上用慮下繁詞一買十  
十買百根株牽蔓已無爲胥陰陽鬼變誣害忠  
良翻覆天日不亦危乎邏卒傾動於內緹騎犇  
驟於外海內囂陵人無樂生之心威必貸錯制  
必共門險世妄爲憂昔之臣所愁泣而籲天者  
此日韓子謂虎成其羣周合刑名行見主失其  
神虎狗交猾大臣小臣士子富室商賈百姓一  
日將胥百戰王畿內外不大亂臣不信也若是  
又刑又流能得乎乎爰書麗事能得情乎恐喝  
一肯已金錢行其私樹黨賣汰豺狼滿國則羊  
不能繁殖木根殊疎則橫塞乎公間害心掘本  
搖動乾坤嗚呼皇上之意一不堅定毒害遂至  
於斯大風至大雨必隨之驚懷傾人百姓喜亂

勢亦化而爲騰蛇蚣蝮矣由是論之非蹈前瑕  
歟非速其戾於後歟朕則彼貂璫可與共理歟  
非歟蓋汰者本已止亂而逾已生亂姦臣蕃息  
王道衰壞忠臣黷士之所深切憂懼而不能已  
已者耳今皇上如罪臣言御速罷臣臣不忍坐  
視良罪隳聲不言爲周任所譏如不罪臣言速  
出令止東廠新立一事明告臣民必遵於古朕  
後可不朕汪直劉瑾諸人之旤尚未斷也冒死  
陳言焚之勿露左右謹揭

少傅兼太子太傅戶部尚書武英殿大學

士臣王鐸五月初四日謹

揭爲扼要禦左已杜狡謀今日衆心憂懼惟在  
泥汊金山幸仗皇上之麻旗仗星羅將士合心  
西胥荻山紫沙洲可已支持天欲殄滅左賊彰  
彰矣臣尤胥私慮恐賊不能下蕪關必求別路  
已入淞昔人曾分兵三道中軍入京口左軍入  
江陰右軍繇廣德四安鎮趨獨嵩關左賊旣犯  
池州從池而南陵寧國達于廣德塗堇三百里

此處若無得力精兵則可竟至杭州矣從此而黃池東壩趨宜興亦入浙水道也急用健將率兵守禦嗶焯如霆則南京臂後胥恃不致疎危獨免其毒蠱畿甸方保無恙耳至泰興接孟河通州狼山及嘗熟福山此下流窺伺渡口塞地隙絕人釁是在鄭鴻逵張鳳翔防閑加之意而已臣為數鎮急為策應文武官控制召禦左賊召免癰潰情迫肯感惟皇上獨斷急行之幸甚少傅兼太子太傅戶部尚書武英殿大學

士臣王鐸

揭為養成聖德必謹戒嗜好召臻治成事臣昨祕殿賜見皇上召事相商皇上曰朕恐權臣誤事欲令彼解兵權召大事託卿肯李承芳在旁上曰卿真忠臣也召卿又言求太朕孤立于上朕其何恃屏太左右進臣于膝前皇上流淚臣亦流淚曰胥當言卿即言勿學馬士英蒙蔽也即此聖懷真古明王之襟期洞達燭邪可望興邦矣臣謹冒死不避斧鉞為皇上言之皇上春

秋鼎盛正宜。日節嗜欲寡。聲伎過利竇。緝緝充  
昭勤勞大政提。綱挈領日為作離之照。而邇來  
中賢日張女謁進矣。夫太讒遠色不邇。聲色豈  
非嘉訓乎。胡為日夜私買歌吹。廣捺民家。日乘  
輿進白粉綠黛。爭妍取寵。將為伐性之斧斤。沉  
溺不堤。胥損聖躬。况兼之煎炙之泣。鼓簧成羣。  
耶不戒必危。此一宜戒也。劉宗周諸賢既逐。邇  
來中賢日旨酒進矣。味酒嗜音。峻宇雕墻。不貽  
敗亡乎。胡為稱觴獻壽。奏黎園鼓鐘之響。流于

宮掖。假借攘花石。克塞眩惑。將為迷性之狂藥。  
經筵不御。正人寡合。况一醉日富。廢日耗月。軍  
聲兵謀俱委之。大司馬盧九德與二三中賢耶。  
不戒必旤。此二宜戒也。民生國計。動關社稷。邇  
惟托蛇蝎為心腹。日棘刺為梧櫬。日貨利開  
鑛進矣。夫捺括酒稅。察于雞豚。剝民之髓。高燾  
鳴騶紛紛。鑿遣蘇杭之關。津南粵之珠。海珠玉  
翠裘。胥獻金盒寶石。盃盆胥獻。將為多藏之斂。  
怨貽笑于投珠抵璧。百姓恟恟。加派思減。宮室

之匠作思停狗馬之玩好思罷好利賂下不戒  
必凶此三宐戒也皇上待臣心膂股肱至于垂  
淚其憂皆之危恐爲馬士英屈尚忠盧九德所  
賣臣敢剖胷請卽斥逐與湯夔臣所不恤也三  
宜戒之大事社稷之安不安民心之離不離皆  
係屬于此不此之痛絕深惡斫斷葛藤涓涓不  
塞將成江河今已江河矣汜濫其何極哉噫乎  
此三事非細故也能止則必昌不能止則不能  
昌昌則大政舉臣民服可奏迂衡之理不能昌  
則奸邪之羽翼日多壅翳之賄賂公行董卓曹  
操于漢崔胤朱溫于唐賈似道于宋嗚呼臣縷  
指之不能盡矣皇上急爲湔洗立臻清明于在  
躬如是君子進小人退君不孤立于朝廷之上  
而權臣不得盜弄干戈于下臣之願也臣之罪  
也臣死臣生惟候皇上睿覽密揭恃皇上萬勿  
令左右中費見臣不勝戰栗待命

少傅兼太子太傅武英殿大學士臣王鐸

四月二十二日聞

上傳命工部尚書何應瑞于御用監後舊臺上  
速建亭一所臣聞不敢不進謁請命按古昔詘  
不可舉贏且夏書言不見是圖晉語君子能勤  
小物故無大患臣每誦泐其言曰為藥石今者  
叛藩叛鎮叛將挾民雜寇橫戈而闕江步城不  
厚完百姓不耕槩岌岌乎偪白門矣文不能犇  
走承序武不能早為遠禦何羞如之此國家何  
等昔也而可土木興作乎矧曰外解不足帑藏  
窘竭事例上納未敷也開采肇釁未弭也臣愚  
冒戇如之何坐視大司農仰屋而嗟呼籲無措  
支語難勝奉先殿曰妥曰降曰登曰籩尚未修  
葺他殿亟宜停止亭子乃戲豫之地臣猶謂游  
不可盤昔不可玩矧曰祖廟未繕而亭子一事  
土木可興作乎聖君舉動不可不慎一動必勤  
左右史誠重之也臣稽昔上奏願皇上斷斷罷  
此不急之役恐失重輕且開佚樂之門非僅惜  
水衡錢曰講物力之節用而已也君子所圖修  
德于人所不見不狀犀犛兕象之角曰規為瑱

上傳命工部尚書何應瑞于御用監後舊臺上  
速建亭一所臣聞不敢不進謁請命按古岾詘  
不可舉贏且夏書言不見是圖晉語君子能勤  
小物故無大患臣每誦泐其言曰為藥石今者  
叛藩叛鎮叛將挾民雜寇橫戈而闖江步城不  
厚完百姓不耕槩岾岾乎偪白門矣文不能犇  
走承序武不能早為遠禦何羞如之此國家何  
等岾也而可土木興作乎矧曰外解不足帑藏  
窘竭事例上納未敷也開采肇釁未弭也臣愚  
冒戇如之何坐視大司農仰屋而蹙呼籲無措  
支語難勝奉先殿曰妥曰降曰登曰籩尚未修  
葺他殿亟宜停止亭子乃戲豫之地臣猶謂游  
不可盤岾不可玩矧曰祖廟未繕而亭子一事  
土木可興作乎聖君舉動不可不慎一動必勤  
左右史誠重之也臣稽晉上奏願皇上斷斷罷  
此不急之役恐失重輕且開佚樂之門非僅惜  
水衡錢曰講物力之節用而已也君子所圖修  
德于人所不見不狀犀犛兕象之角曰規為瑱

其如盛德之瑕何何呂昭示子孫爲後法戒耶  
遄命已之寧罪臣勿過舉臣死不敢從命曰停  
之便

少傅兼太子太傅武英殿大學士臣王鐸

四月二十一日

揭爲用兵肯急富官富士富戶富民富商鬪鬪  
不可借貸事江間兵雖未弭所資財用自胥戶  
曹聞胥引陛下借貸京師及在外郡縣官士商  
民皆借其銀酌爲上中下格將來肯丐令郡縣  
胥司當堂兌還此事乃不可之大疚于義痿于  
衆啓大亂之心將在是矣臣呂一官爭之陛下  
慎思躊躇無乃章禍而非民則裁危兇兇患莫  
甚焉蓋人之貧其命仰給于富富之命其本仰  
給于財今日借貸天子借于下兌償于胥司且  
無論搜括咆哮之聲勢人人自危城守登埤民  
亦不堪又呂煩委巷求罄于牀竈井韓之間能  
免賈怨也歟哉恐必麋懼鷄豕豈能操其無抗  
顏姦命胥司徒煩于箠楚城中鼎沸何呂救之



其如盛德之瑕何何呂昭示子孫爲後法戒耶  
遄命已之寧罪臣勿過舉臣死不敢從命曰停  
之便

少傅兼太子太傅武英殿大學士臣王鐸

四月二十一日

揭爲用兵肯急富官富士富戶富民富商萬萬  
不可借貸事江間兵雖未弭所資財用自胥戶  
曹聞胥引陛下借貸京師及在外郡縣官士商  
民皆借其銀酌爲上中下格將來肯否令郡縣

胥司當堂兌還此事乃不可之大疚于義痿于  
衆啓大亂之心將在是矣臣呂一官爭之陛下  
慎思躊躇無乃章禍而非民則裁危兇兇患莫  
甚焉蓋人之貧其命仰給于富富之命其本仰  
給于財今日借貸天子借于下兌償于胥司且  
無論搜括咆哮之聲勢人人自危城守登埤民  
亦不堪又呂煩委巷求罄于牀竈井韓之間能  
免賈怨也歟哉恐必麋懼鷄豕豈能操其無抗  
顏姦命胥司徒煩于箠楚城中鼎沸何呂救之

乎索兌償方在異日卽目前不可言誰不重其財爲父母妻子乾餼奪口之飴肌上之肉割剝呂飽冗卒而自斃也語云鑿山太甚山崖必崩臣立見人民商士之崩也况曉諭呂公實非困衆而虛華也胥司十人九狼狼無慈仁異日誰能保其犯胥司捋髭鬚一一如志按簿正而手還使銀不數慳耶不惟必不能邀其予也必至礮其怒也富官富士富民富商人人必仰天哭曰俱寔餒餒皇帝腹我相臣殺我飴而唱凶不又蹈借銀如北都閣中條議內潰北都壞敗國家呂至不可言欺聖人務收穰民心不務凋傷之政刻鏤民心民心邦之基心離則欲銷大亂而大亂愈爲之鑪鑄與戎害國患莫大焉事之重大臣忝大臣噤口縛舌無人臣禮且自處非人也伏懇陛下收回成命危矣夫不可斂怨爲德自貽險毒臣呂一官爭之其勿行

少傅兼太子太傅武英殿大學士兼戶部

尚書臣王鐸謹

揚山園選集 卷十三 揚二  
乎索兌償方在異日卽目前不可言誰不重其財爲父母妻子乾餼奪口之餽肌上之肉割剝呂飽冗卒而自斃也語云鑿山太甚山崖必崩臣立見人民商士之崩也况曉諭呂公實非困衆而虛華也胥司十人九狼狼無慈仁異日誰能保其犯胥司捋髭鬚一一如志按簿正而手還使銀不數慳耶不惟必不能邀其予也必至礮其怒也富官富士富民富商人人必仰天哭曰俱寔餒餒皇帝腹我相臣殺我餒而唱凶不又蹈借銀如北都閣中條議內潰北都壞敗國家呂至不可言歟聖人務收穰民心不務凋傷之政刻鏤民心民心邦之基心離則欲銷大亂而大亂愈爲之鑪鑄與戎害國患莫大焉事之重大臣忝大臣噤口縛舌無人臣禮且自處非人也伏懇陛下收回成命危矣夫不可斂怨爲德自貽險毒臣呂一官爭之其勿行

少傅兼太子太傅武英殿大學士兼戶部

尚書臣王鐸謹

揭爲立春方和宜急停刑事臣數日前遵三法  
司言及用刑一事嗚義滅道自弗用霽罪在不  
赦餘皆減等作贖罔有所差今季元季皇上晉  
出庶物當春熙稊畀品爲之昭蘇汰官麗事大  
辟剗取椽黥是陰肅之政也月令所載王遣布  
德行慶施惠育孚于衆如周鍾雷續祚皇上慈  
祥之心必惻惻有所不忍臣等伏願聖恩免其  
行刑普天荷雨露之澤典獄天牧宣斯寬教教  
未嘗不迪也而有育罪不贖者得延其性命與  
翹苗長之物共戴化日此皇上仁愛廣被泣罪  
解網覆幬昭蘇之大樞機也肇基敷愷大恩出  
皇上臣謹開陳于前又刑之中三德所涵一人  
有慶兆民賴之古云祥刑祥之之義其斯之謂  
乎臣冒罪上請伏候施行

少傅兼太子太傅武英殿大學士兼戶部  
尚書臣王鐸謹

揭爲急備切近兵衛已固京城事月來左兵西  
報狎至中外憂如沸羹大司馬充耳不聞江上

揭爲立春方和宜急停刑事臣數日煎邁三法  
司言及用刑一事鳴義滅道自弗用霧罪在不  
赦餘皆減等作贖罔吝所差今季元季皇上晉  
出庶物當春熙稸萬品爲之昭蘇法官麗事大  
辟劓刵杯黥是陰肅之政也月令所載王道布  
德行慶施惠吝孚于衆如周鍾雷演祚皇上慈  
祥之心必惻惻吝所不忍臣等伏籲聖恩免其  
行刑普天荷雨露之澤典獄天牧宣斯寬教教  
未嘗不迪也而吝罪不贖者得延其性命與銷  
翹茁長之物共戴化日此皇上仁愛廣被泣罪  
解網覆幬昭蘇之大樞機也肇基敷愷大恩出  
皇上臣謹開陳于煎又刑之中三德所涵一人  
吝慶兆民賴之古云祥刑祥之之義其斯之謂  
乎臣冒罪上請伏候施行

少傅兼太子太傅武英殿大學士兼戶部  
尚書臣王鐸謹

揭爲急備切近兵衛臣固京城事月來左兵西  
報狎至中外憂如沸羹太司馬充耳不聞江上

三百人虛支不備西各方國安等貽不曉事狼子梟性不可恃也太監盧九德戎政專司日索將士賂鼎其人不識一字樸遼不足語皇上何所倚已捍中歟儻卒胥彊弩在前長戟大駁攻後城內貧民無食蓄縮荷戈內易生心江皋梟譁人駭鹿犇城門不守若無親兵左右擁護臨昔大司馬盧九德方國安等疾呼不鷹無胥窺左足而抗義旗已身翼蔽肩社稷安危者蠱官悞臣賣菜傭耳捍外其可恃已無虞乎臣憂淡昏眊食不下咽矣事勢至此恐人生變志皇上之斧鉞不霧上天不可恃將奈何急急連夜備壯健親丁滿畧利器火藥頒帑厚賞固守南畿已之保全宗廟陵寢謀之上也計之刻不容緩也否則必貽後悔臣臨危撫命密封勿示左右仍如煎焚燬事迫恕臣目穿望皇上立行自保謹揭

少保兼太子太保戶部尚書武英殿大學士臣王鐸

爲罪督擬用懇乞聖明急順輿情允推呂救危  
亡事切呂江北之事今不忍言寇氛日熾土寇  
起而煽之自夏徂秋行旅斷跡長淮呂北一望  
同于旣脫冠蓋裹足相戒喜得一振刷巡撫庶  
足起其痿痺朝論又當設一總制使與王變特  
角待敵推敲再三畢竟非用某官不可某官身  
方府辜但哀其才爲用人拯疆臣同官史可泐  
又鎮臣黃得功科臣袁彭季卽章正宸執三尺  
泐繩其生還併爲咨嚙歎息未忍于一槩淪棄  
之也方冢臣某官昨來臣閣中胥議而豫人欲  
用綏豫楚人欲用張楚臣爲斷之曰某官不用  
則已用則必當用爲東督楚豫並不得爭之昔  
廉頗思用趙人在楚則不振郭子儀復入河陽  
吏民喜其來悲其晚某官身雖蹈瑕而中外文  
武諸臣猶取其長哀其才譖爨下柯亭可爲琴  
瑟交口薦之冢臣因呂啓事尋至被嚴旨事寢  
閣數日蓋國泐輿情難于兩全破格拔材並育  
不害不襲拘攣古之義也江之北河之南危如

爲罪督擬用懇乞聖明急順輿情允推呂救危  
亡事切呂江北之事今不忍言寇氛日熾土寇  
起而煽之自夏徂秋行旅斷跡長淮呂北一望  
同于甌脫冠蓋裹足相戒喜得一振刷巡撫庶  
足起其痿痺朝論又當設一總制使與王變特  
角待敵推敲再三畢竟非用某官不可某官身  
方府辜但哀其才爲用人拯疆臣同官吏可汰  
又鎮臣黃得功科臣袁彭季卽章正宸執三尺  
法繩其生還併爲咨嗟歎息未忍于一槩淪棄  
之也方冢臣某官昨來臣閣中胥議而豫人欲  
用綏豫楚人欲用張楚臣爲斷之曰某官不用  
則已用則必當用爲東督楚豫並不得爭之昔  
廉頗思用趙人在楚則不振郭子儀復入河陽  
吏民喜其來悲其晚某官身雖蹈瑕而中外文  
武諸臣猶取其長哀其才諳爨下柯亭可爲琴  
瑟交口薦之冢臣因呂啓事尋至被嚴旨事寢  
閣數日蓋國汰輿情難于兩全破格拔材並育  
不害不襲拘攣古之義也江之北河之南危如



朝露存亡判于呼吸胥齋捧貢士李含章楊之  
璋書至其言皆曰西北艷象不救將崩土裂疆  
亟乘今日爲之猶大胥機括緩則無及雖胥韓  
白能施其智乎今史可法疏至及某官疏至總  
爲江北用人需材膽之人與寇爭此土爲地方  
非胥所私也明主可與忠言廟算築舍三季無  
緒徒貽後悔耳懇乞勅下吏部卽日補牘將某  
立賜擢用并催王爕諸臣一齊渡淮其已經奉  
旨軍實并勅戶部卽日給發庶江北一塊土猶  
不至化爲異類冠裳之倫猶不至淪爲韎韐沒  
之危域而河淮中原唇齒相倚于曰鞏護神京  
拓恢版章所關係非淺渺矣

劄子

上地震劄子

臣聞地震陽不足也陰憑陵變乎常其勢必崩  
騰沸怒不祥之大者諸臣泄泄噤齒不言蓋繇  
秉政竊權剝民損國威積于已兵餉財賂盈溢  
于室因之軍衄于外讒慝交作山川不恬愉私

朝露存亡判于呼吸胥齋捧貢士李含章楊之璋書至其言皆曰西北艱象不救將崩土裂疆亟乘今日爲之猶大胥機括緩則無及雖胥韓白能施其智乎今史可法疏至及某官疏至總爲江北用人需材膽之人與寇爭此土爲地方非胥所私也明主可與忠言廟算築舍三季無緒徒貽後悔耳懇乞勅下吏部卽日補牘將某立賜擢用并催王爕諸臣一齊渡淮其已經奉旨軍實并勅戶部卽日給發庶江北一塊土猶不至化爲異類冠裳之倫猶不至淪爲韎韐沒之危域而河淮中原唇齒相倚于曰鞏護神京拓恢版章所關係非淺渺矣

劄子

上地震劄子

臣聞地震陽不足也陰憑陵變乎常其勢必崩騰沸怒不祥之大者諸臣泄泄噤齒不言蓋繇秉政竊權剝民損國威積于已兵餉財賂盈溢于室因之軍劔于外讒慝交作山川不恬愉私

謁惑刑笞密也天愛皇上故曰此儆懼之耳誠能剛德毅奮不予大臣曰亢極之寵冒功怙堦政歸朝廷恤民輕刑減女旤清軍糗天如不篤愛轉咎爲禎當治臣之罪自古協天心當人情無要此者惟皇上精誠虔格勿修減膳布素彌文勿曰尋常啓奏視臣此劄臣積誠欣幸無量

上財用劄子

臣聞國家財用恒若不足蒿目憂之揆其本牧民者盡潔已耶盡能急公耶隱匿果盡還之朝廷耶布政火耗巡撫贓罰巡按查盤罪贖詳允所取及公費銀兩犯人詞訟大州縣八九百兩小州縣不下五六百兩如盡數造冊徑報部院不許侵渙部院執冊曰覈該撫按虛實大約歲可得七八十萬亦可行否如州縣罪罰曰積穀論折銀解部止三錢七分罰民追納每石一兩餘大約每石可定爲七錢各省可得六七十萬亦可行否監司方面府州縣贖銀追納若戶刑二部專設司官管理如鹽引例部中給票非部

謁惑刑笞密也天愛皇上故曰此儆懼之耳誠能剛德毅奮不予大臣曰亢極之寵冒功怙堦政歸朝廷恤民輕刑減女旤清軍糗天如不篤愛轉咎爲禎當治臣之罪自古協天心當人情無要此者惟皇上精誠虔格勿修減膳布素彌文勿曰尋常啓奏視臣此劄臣積誠欣幸無量

上財用劄子

臣聞國家財用恒若不足蒿目憂之揆其本牧民者盡潔已耶盡能急公耶隱匿果盡還之朝廷耶布政火耗巡撫贓罰巡按查盤罪贖詳允所取及公費銀兩犯人詞訟大州縣八九百兩小州縣不下五六百兩如盡數造冊徑報部院不許侵渙部院執冊曰覈該撫按虛實大約歲可得七八十萬亦可行否如州縣罪罰曰積穀論折銀解部止三錢七分罰民追納每石一兩餘大約每石可定爲七錢各省可得六七十萬亦可行否監司方面府州縣贖銀追納若戶刑二部專設司官管理如鹽引例部中給票非部

稟追贖者許民告誥卽問曰貪婪之罪利歸公  
家胥司不得侵隱各省可得五六十萬亦可  
否如各省鄉官富民勸其助餉予曰添註官銜  
及官地山林材木責胥司變價可得三四十萬  
亦可行否如是歲可得千百萬曰助常額大裕  
軍饟薊遼兵二十四萬宣大山西兵一十七萬  
八千八百合密永兵數萬約二十五六萬精選  
挑練新舊饜一千一百萬之額勦寇二百八十  
萬之額頓胥餘用否庶足飽士卒而壯國威張  
絕丁荒田十分僅墾其二三餘七八分又水曠  
巡布政胥司之利足食足兵曰斯擴充克濟豈  
難矣經濟實用爲據昌言皇上能行何患于國  
用之貧也謹上劄子曰聞

上寬糧劄子

臣惟中原遭李寇後城犁矣廬舍無一椽止胥  
煤黝土牆草深狐兔驕竄百人止活二三人驚  
魂喘息窟伏山石土穴中田地與蓬如人長遠  
行遮不見路一牛估三十餘金是曰中州各縣

票追贖者許民告誥卽問曰貪婪之罪利歸公  
家胥司不得侵隱各省可得五六十萬亦可  
否如各省鄉官富民勸其助餉予曰添註官銜  
及官地山林材木責胥司變價可得三四十萬  
亦可行否如是歲可得千百萬曰助常額大裕  
軍饗薊遼兵二十四萬宣大山西兵一十七萬  
八千八百合密永兵數萬約二十五六萬精選  
挑練新舊饗一千一百萬之額勦寇二百八十  
萬之額頓胥餘用否庶足飽士卒而壯國威張  
絕丁荒田十分僅墾其二三餘七八分又水曠  
巡布政胥司之利足食足兵曰斯擴克克濟岢  
難矣經濟實用爲據昌言皇上能行何患于國  
用之貧也謹上劄子曰聞

上寬糧劄子

臣惟中原遭李寇後城犁矣廬舍無一椽止胥  
煤黝土牆草深狐兔驕竄百人止活二三人驚  
魂喘息窟伏山石土穴中田地與蓬如人長遠  
行遮不見路一牛估三十餘金是曰中州各縣

苗青飛蝗洊食盡與穀成天復降割土著者心  
未寧帖奔徙者死亡半不能歸計畝所出豐穰  
滿篝不足一石賣銀三錢而官租則重五錢矣  
除牛飯買糞鎌鋤諸費阜隸里正大畧一畝又  
不下一兩矣聞貧民多牽妻子棄田遠徙不事  
稼穡狀則連行不墾尚見箠楚已渙已獵已商  
已賈苟偷已活其命誰復置理其室與突供其  
畝租乎天之或割胥政已燮補之亦云救也語  
曰先王先計農小民惟已爲寶若之何不計安

撻伐已固疆圉臣故細算之臣憂在心目擊撫  
天下收人心薄其租稅凡一切未經聖旨戶部  
賦役全書所載後來加派者俱求豁除仍還一  
畝八分之制既不背本反則而民得輕從不致  
國用立絀民卽勞其胼胝五耕五耨已收地寶  
已聚黔首兵荒後收拾人心之要政也不狀追  
呼急則刑煩刑煩則民痛民痛則離至于餓其  
肌傷其心民胥不舍錢鏹而聚爲盜已苟全旦  
夕之命者乎民窮盜不滋未之前聞矣救之界

苗青飛蝗洊食盡與穀死天復降割土著者心  
未寧帖奔徙者死亡半不能歸計畝所出豐穰  
滿篝不足一石賣銀三錢而官租則重五錢矣  
除牛飯買糞鎌鋤諸費阜隸里正大畧一畝又  
不下一兩矣聞貧民多牽妻子棄田遠徙不事  
稼穡狀則連行不墾尚見箠楚曰澳曰獵曰商  
曰賈苟偷曰活其命誰復置理其室與突供其  
畝租乎天之或割胥政曰變補之亦云救也語  
曰先王先計農小民惟曰為寶若之何不計安

撻伐曰固疆圉臣故細算之臣憂在心目擊撫  
天下收人心薄其租稅凡一切未經聖旨戶部  
賦役全書所載後來加派者俱求豁除仍還一  
畝八分之制既不背本反則而民得輕從不致  
國用立絀民卽勞其胼胝五耕五耨曰收地寶  
曰聚黔首兵荒後收拾人心之要政也不朕追  
呼急則刑煩刑煩則民痛民痛則離至于餓其  
肌傷其心民胥不舍錢鏹而聚為盜曰苟全旦  
夕之命者乎民窮盜不滋未之前聞矣救之界



擬山園選集卷之十三  
口食安土著兵銷旤非迂也臣患不行耳陛下舉而行之甚優

擬山園選集卷之十三 終

擬山園選集卷之十四目錄

箋

上懿安皇后徽號箋

賀東宮加冠箋

表

擬上出師次玄石坡山清流泉刻銘石上

凱旋賀表 永樂八年

擬上御函風亭召尙書李時等同觀西苑

收穫謝表 嘉靖十年

擬光廟實錄成總裁諸臣蒙加恩頒賞謝表  
天啓二季

擬鳳凰見于潁川上免稱賀諭百官共圖

治理已荅嘉瑞廷臣謝表  
天啓四季

擬錦州寧遠屢戰克捷獻俘論功行賞羣

臣賀表  
天啓七季

謝恩賜瓜果餅扇筆札表

謝恩賜白金紅緞表

謝恩賜鱒魚珍珠表

擬山園選集卷之十四

孟津王 鐸覺斯甫著

箋

上懿安皇后徽號箋

伏日月德茂修丹籍宣二南之化母儀昭著徽  
章報五福之稔寶冊彌尊遐區胥慶恭惟皇后  
肇基沙麓協教天暉表摯仲之芳音嗣虞嬪而  
流美欽若天秩祇贊帝勲雲覆鼎湖方悲纏于  
弓劍煙雲梧野乃考卜于蒼龜爰多除邪之功

擬光廟實錄成總裁諸臣蒙加恩頒賞謝表  
天啓二季

擬鳳凰見于潁川上免稱賀論百官共圖治理  
已荅嘉瑞廷臣謝表  
天啓四季

擬錦州寧遠屢戰克捷獻俘論功行賞羣臣賀表  
天啓七季

謝恩賜瓜果餅扇筆札表

謝恩賜白金紅緞表

謝恩賜鱗魚珍珠表

目錄終

擬山園選集卷之十四

孟津王 鐸覺斯甫著

箋

上懿安皇后徽號箋

伏日月德茂修丹籍宣二南之化母儀昭著徽章報五福之稔寶冊彌尊遐區胥慶恭惟皇后肇基沙麓協教天暉表摯仲之芳音嗣虞嬪而流美欽若天秩祇贊帝勲雲覆鼎湖方悲纏于弓劍煙雲梧野乃考卜于蒼龜爰多除邪之功

勉盡正內之禮皇穹錫祉祖廟依馨恭請上皇  
后尊號曰懿安禕色耀璇堦椒掖肅六宮之典  
魏文崇輅輦山河敷萬國之春

賀東宮加冠箋

伏以乾啓青陽四海誦少季天子震開東璧千  
秋仰喬道聖人惟中和建極于一元斯炤臨承  
禧于兩珥恭惟皇帝陛下堯兢舜業禹祗湯新  
以止孝爲止慈用紹文命從克明開克類永協  
皇天祚衍蘭儀禮垂玉度所已繼離出炤璇霄  
朗少海之輝就日望雲奎畫啓游雷之應特因  
元節昭示天冠齊莊中正喬孚占君子之光睿  
智聰明足臨見至誠之範彩鸞拂羽璇蓋彫雲  
華夷知社稷得人遐邇慶吾君喬子臣某等職  
愧趨蹌光觀徽典龍符玉器雞戟立門喜作述  
之踵三王幸剗坐之媿五帝從此得祿得名得  
壽元晉明而庶事康自今如岡如阜如陵聖人  
作而萬物覩夔夔者孝蕩蕩者仁率土咸熙惟  
虹流永綿乎皇極遐極胥樂斯虎拜共賀于鵷

班

表

擬上出師次玄石坡山清流泉刻銘石上

凱旋賀表

永樂八年

伏呂王師濯征迅發雷霆于九塞山石紀勝光  
垂謨訓于千秋笳鼓歸來人歌杖杜干戈輯後  
社懌桑麻誠曠古之奇功真熙朝之盛事臣等  
誠懼誠忭稽首頓首竊惟內夏外夷自古分河  
山之界揆文耀武至今重撻伐之威顧五材誰  
能去兵而四鄙豈宜內寇况茲不譴屢煩北塞  
之憂苟非大懲彌啓中原之患所曰獫狁孔熾  
金革誠遏亂之資渾邪未殲弧矢實匡時之具  
殷周制而心服漢唐創之力疲嗟彼跳梁發義  
士忠臣之憤懷此重地同蒼生赤子之讐奈近  
多崇峰憑高呂負險兼遠無猛士履昧而宅幽  
來則蜂屯去如蝟縮陰山舊雪黃雲不散古今  
愁朔漠驚沙白草空迷天地色義旗不舉徒令  
驕子之挺妖危壁無鐫遠笑休屠之覘月肆皇

班

表

擬上出師次玄石坡山清流泉刻銘石上

凱旋賀表

永樂八年

伏召王師濯征迅發雷霆于九塞山石紀勝光  
 垂謨訓于千秋笳鼓歸來人歌杖杜干戈輯後  
 社懌桑麻誠曠古之奇功真熙朝之盛事臣等  
 誠懼誠忭稽首頓首竊惟內夏外夷自古分河  
 山之界揆文耀武至今重撻伐之威顧五材誰  
 能去兵而四鄙豈宜內寇况茲不諛屢煩北塞  
 之憂苟非大懲彌啓中原之患所召獫狁孔熾  
 金革誠遏亂之資渾邪未殲弧矢實匡時之具  
 殷周制而心服漢唐創之力疲嚙彼跳梁發義  
 士忠臣之憤懷此重地同蒼生赤子之讐奈近  
 多崇峰憑高召負險兼遠無猛士履昧而宅幽  
 來則蜂屯去如蝟縮陰山舊雪黃雲不散古今  
 愁朔漠驚沙白草空迷天地色義旗不舉徒令  
 驕子之挺妖危壁無鐫遠笑休屠之覘月肆皇

天厭亂揭鼓鐸于中華幸聖祖開基掃欃槍于  
 絕域狀禹甸已無不宥之服而舜階猶豸稷化  
 之區醜類既爾匪茹我兵豈為得已茲蓋伏遇  
 皇帝陛下御世誠民格天弘化聖教無逸務涵  
 育于深仁天業益昌猶諮詢于羣策參乾坤而  
 立三極疲人樂生合胡越曰為一家繇頤厲吉  
 宵衣勤銳大禧圖馨謂赤海無波已屏鯨鯢之  
 跡顧紫濛北庭館名見王禹玉集 胥穴終藏金鐵之心必  
 曰燦起雄鋒折彼螳屯戾氣爰命羽林之卒載

啓元戎之涂天上出旌旗遠振威于羆虎地中  
 鳴鼓角遂崩魄于氈裘幽贊彌禽明夷孽柝隨  
 攻輒靡所向來鋪本雅之膽已寒屢敗應悔狼  
 毒之杆先折既佶何不迨乎玄石按兵不數夫  
 細柳清流駐蹕豈礙夫澶淵一統志今之開州 於是登

擒扶之山俯穹廬之地魍魎望而匿甲羹燧海錄  
即烽燧也 消而卷煙乃命儒臣通彰徽典薄雕文于  
 丘騎後漢書班固竇車騎燕狀山銘 徒飾仗飛翦苞蘖于昆吾

同被懃悚真舉霍華曰碎塿土如决溟渤曰没

天厭亂揭鼓鐸于中華幸聖祖開基掃欃槍于  
 絕域狀禹甸已無不宥之服而舜階猶豸稷化  
 之區醜類既爾匪茹我兵豈為得已茲蓋伏遇  
 皇帝陛下御世誠民格天弘化聖教無逸務涵  
 育于深仁天業益昌猶諮詢于羣策參乾坤而  
 立三極疲人樂生合胡越已為一家繇頤厲吉  
 宵衣勤銳大禧圖馨謂赤海無波已屏鯨鯢之  
 跡顧紫濛北庭館名見王禹玉集胥穴終藏金鐵之心必  
 呂燦起雄鋒折彼螳屯戾氣爰命羽林之卒載

啓元戎之涂天上出旌旗遠振威于羆虎地中

鳴鼓角遂崩魄于氈裘幽贊彌禽明夷孽柝隨

攻輒靡所向來鋪本雅之膽已寒屢敗應悔狼

毒之杆先折既佶何不迨乎玄石按兵不數夫

細柳清流駐蹕豈礙夫澶淵一統志今於是登之開州

擒扶之山俯穹廬之地魍魎望而匿甲羹燧海錄

即烽燧也消而卷燿乃命儒臣通彰徽典薄雕文于

丘騎後漢書班固竇徒飾仗飛翦苞蘖于昆吾車騎燕狀山銘

同被難悚真舉霍華呂碎塿土如决溟渤呂没



天厭亂揭鼓鐸于中華幸聖祖開基掃欃槍于  
 絕域狀禹甸已無不宥之服而舜階猶胥稷化  
 之區醜類既爾匪茹我兵豈為得已茲蓋伏遇  
 皇帝陛下御世誠民格天弘化聖教無逸務涵  
 育于淡仁天業益昌猶諮詢于羣策參乾坤而  
 立三極疲人樂生合胡越已為一家繇頤厲吉  
 宵衣勤銳大禧圖馨謂赤海無波已屏鯨鯢之

跡顧紫濛

北庭館名見王禹玉集

胥穴終藏金鐵之心必

召燦起雄鋒折彼螳屯戾氣爰命羽林之卒載

啓元戎之涂天上出旌旗遠振威于羆虎地中

鳴鼓角遂崩魄于氈裘幽贊彌禽明夷孽柝隨

攻輒靡所向來鋪本雅之膽已寒屢敗應悔狼

毒之杆先折既佶何不迨乎玄石按兵不數夫

細柳清流駐蹕豈儼夫澶淵

一統志今之開州

於是登

擒扶之山俯穹廬之地魍魎望而匿甲羹燧

海錄

即烽燧也

消而卷燴乃命儒臣通彰徽典薄雕文于

丘騎

後漢書班固竇車騎燕狀山銘

徒飾仗飛翦苞蘖于昆吾

同被懃悚真舉霍華召碎塿土如决溟渤召没

溪流喋血流丹掇皮釁鼓辭肴千古之韡是軼

百王碑借崑季之巔堪懾四裔陋乎岱嶧比于

响嘯角端不來虎門獨著

虎門出文選  
即軍門也

允可呂

跨往良用呂垂今且帝念恢弘皇恩節制綏固

止夫老幼算實勝乎雲臺黃帝蚩尤之誅榮伯

肅春之命後先合軌遐邇聞雷瞻繡鎧呂肆輝

旋玄幕而奏勇霽雲徧豁笛中銷楊柳之悲邊

氛獨清馬上落梅花之曲序猷飲至上慰祖廟

之壇霧執簡書勲下示荒陬之龍戰莫不祥淡

武日因呂瑞廣文齡燠薄于色魂刷拭于疆域

故興師呂義擄之不患無詞兵出肴名傳之自

堪永譽臣等識疎力短氣熱心長讀書愧戴鷓

之夫

輿服志虎賁騎皆  
鷓冠鬪死乃止

投石淬吞鯨之志肴懷

整旅矢力嚴鏹聳夔吼呂骨鳴載用肴嗣從曠

騎而電悚豈曰無衣四海同胸千營一諾仰神

謀之震疊劍光倚于崆峒熹邊鄙之輯寧甲塚

洗于銀漢禡祭叶之崑乘京觀蒞之十戎肴美

常武之詩存乎敦琢復賡飲御之酒鑄此行枚

溪流喋血流丹掇皮釁鼓辭肴千古之韡是軼  
百王碑借曷季之巔堪懾四裔陋乎岱嶧比于

峒嶼角端不來虎門獨著

虎門出文選  
卽軍門也

允可已

跨往良用已垂今且帝念恢弘皇恩節制綏固  
止夫老幼算實勝乎雲臺黃帝蚩尤之誅榮伯  
肅春之命後先合軌遐邇聞雷瞻繡鎧已肆輝  
旋玄幕而奏勇霽雲徧豁笛中銷楊柳之悲邊  
氛獨清馬上落梅花之曲序猷飲至上慰祖廟  
之壇霧執簡書勲下示荒陬之龍戰莫不祥淡

武日因已瑞廣文齡焦薄于色魂刷拭于疆域

故興師已義擄之不患無詞兵出肴名傳之自

堪永譽臣等識疎力短氣熱心長讀書愧戴鷓

之夫

輿服志虎賁騎皆  
鷓冠鬪死乃止

投石淬吞鯨之志肴懷

整旅矢力嚴鏹聳夔吼已骨鳴載用肴嗣從曠  
騎而電悚豈曰無衣四海同胸千營一諾仰神  
謀之震疊劍光倚于崆峒熹邊鄙之輯寔甲堞  
洗于銀漢禡祭叶之曷乘京觀蒞之十戎肴美  
常武之詩存乎敦琢復賡飲御之酒鑄此行枚

自此鞭笞胥郵永爾癡耆無犯下土爲之增慄  
高矐胥日激暉伏願道臻安攘廣玄韜之不殺  
灋苞命討厚大武之克和將見關塞盡築降城  
奚致爪牙尙呼祈父胥顛六月烏章織文之央  
央率止四騏車奭簞服之翼翼功鏤寶鼎獻大  
小球于億萬侯邦業殿金甌放子母牛于遠近  
綠野迂衡覆載配澤萃夷臣等無任瞻天仰聖  
懽忻踴躍之至謹奉表曰聳

擬上御函風亭召尙書李時等同觀西苑

收穫謝表

嘉靖十年

壬戌會墨

伏以聖主勤農禁籩萃一堂之勝明時重本班  
聯邇異畝之香知稼穡之艱難金風畱暖省耕  
斂于游豫土脈知秋襍穡覩其情形蔽辰勞其  
顧問喜溢亭外美播區中臣時等誠惶誠恐稽  
首頓首竊惟陰陽之會旣通上行乃曰下濟宮  
府之崇常隔觀生卽在勤民故粢必借禾周雅  
述載芟之訓冕而從事戴經巫秉耒之章兮秩  
東臯則軫祈寒暑雨俶載南畝則察量月紀辰

天贊于蘿圖皇親于藥笈夫金壇玉宇之地豈  
霓裳虬蓋之游覽穎粟呂興懷育藩廡而茂對  
迨農書塵滿蔗蓑罔知况茵芝頌多櫛墉不講  
秦皇之石雁齒漢武之瓦灸鱗秀實誰咨春王  
囿幾番榆莢宿莽堪笑芳林園空肴桃花田峻  
因而不歌神濩久矣不叱僅稽舊聞於星液罕  
覲寵幸于龍枝桂穆于場稟充朋酒之饗莎雞  
在野膜置猫戶之迎不愛夫斯倉斯箱安喻肴  
我蹲我坎櫪殿月冷銅鬢報一夏於刻籌葯房

雲封蝨官當七月而剗肉誰為刈者姑婦冷落  
縣區君莫知兮草菅淒涼藉畝天心怠于近覽  
帝力食于何期茲蓋伏遇皇帝陛下弘功菴藹  
至治馨香固本淡根破洛書五十六字之穗弱  
枝彊幹滋天皇萬八千季之條宮殿敞蓬萊爐  
氣繞鸞聲呂互噦輦蹕駟驥樹陰寫鶴駕而  
成班罍館休畋僊厨輟飲儼羣靈之扈從協百  
谷呂阜康朕坤德無疆厘函詩之作苦非事盤  
桓乃吳命用攷咨農疇之司職特降諏詢息彼

鞠陶公劉翳蒼其王化遡於后稷不畝翠綠其  
國華胥郤長養者多季不啻榮葉在鎬灌溉者  
兩世始見豐翹豕宰之寓意良淡內亭之顏額  
不偶故鳴鴟流火願爲公子裁裳而納稼躋堂  
卒曰農夫獻壽於是北極更轉西苑聿觀撫隰  
畛芄芄切寡婦遺秉之想看齊東粒粒鄙異人  
香草之居匝野旌旗點綴堅好沿堤綏笏掩映  
腰鎌念東作西成於如梁虛十室九空於懸磬  
彼操豚均饁罔左豈皆殷饒賴割雛嘗麻天子  
不忘糲食乃其疎可漏月控可泊煙於茲子可  
沉星糶可繡路園木婆娑之下紅雲低處遮黃  
苞宮曦媵媵之餘青雀啣來穿紫陌勝芙蓉之  
十酒徒色離婁埒丹砂之千齡適旨噴喫遂置  
鷗舟於蒲岸欲碎桃核於瑤池穫秭爲之遭逢  
山川向而鼓舞瞻望亭畔當三犁五犁曰先勞  
低徊苑墻盡大珠小珠之錯落不厭爲瑣惟見  
宜珍宛狀私縱而獻豳羅之承睫益覺穹室曰  
熏鼠繪而在心追陪如步瓏頭趨躑猶疑天上

推辨物矜民之義小臣莫罄同人廣青災肆赦  
之慈太史真書大肴丹青玉版允耀瑤圖臣等  
采覲耕代重恆畚收厠玉階而蒞氣全無密天  
顏而華滋肆被燾洪德之鬯茂紡赤衷于穉駢  
娛老物之廩聚邁素志于穠功能容不熟盍讓  
開元之稽彫俎增華詎替玄卿之苗璫庖匪餽  
雲移雉尾望歲于賫寒雷掣虎賁棲剛而銜景  
惟媻辣茶曰圖罽遂畀餽椒曰邦允雖耑屬我  
后之柞猷亦率諸臣于疆理敢不仰承綸綍竟  
對稗藿曰不如茲因報類耦耘肯同蕭艾而俱  
老添霞石菌浥露金莖旣知萬物肴生必肴成  
無私玄造益感皇王用培與用覆俱荷宸恩發  
迷迭之芳樂文囿曰遨止烝許給之祭鼓帝田  
而利亨庶幾粟亦爲仁可見金肴所變伏願匝  
地浸源勿令聖王之田蕪穢儀天膏雨日見心  
學之理鬱滋耨佞獲賢去敗羣於稂莠庶徭粟  
賦垂結實於福熬香里無嗛饑衍萬季之菁蒨  
炤阿致登阜收百昌之衍蕤蕩臧停禎編珠毓

擬山園選集卷十四  
九  
貺握河開曆軫郊陬  
呂崇人肥截海凝圖薦寢  
廟而輕鬼曰兮疇自偃夫  
縹穢靈稼何減夫絳星且  
水毀不奏于楓廷將雹傷  
自絕于薊種銀甕必剖瓊  
脂無涯鳳冠自來鸞頷入  
貢芻撒于北辰之所寶錄  
榮河禾嘉于南面之薰大  
雲灑記宮府鵷行濟濟祈  
天呂重民天翻較云亭多  
事陰陽鴻冶洩洩孟秋呂  
快育秋愈覺沼臺育益臣  
李時等無任瞻天仰聖激  
切屏營之至謹奉表稱謝  
呂聞

擬光廟實錄成總裁諸臣蒙加恩頒賞謝

表 天啓二季

伏呂龍文煥錄頒來天闕  
光榮鴻澤宣綸散作人區  
雨露捧典冊而惕志披彩  
藻呂生香寵錫維隆瞻天  
威于咫尺髮膚莫効愧臣  
節于旂常氣激紳纓情淡  
堂陛臣等誠惶誠恐稽首  
頓首竊惟履成山澤下濟  
乃呂上行泰合地天羣襄  
歸于獨斷自載筆之史不  
信遂賜車之詔亦稀樓船  
般遊何關典謨之籍沉香  
夙莫盡是月露



之詞祖宗之懿美罔聞黻辰之修省安借雞人  
絕響於紫掖尚戲魚龍鵷行聞聲于階除誰分  
鹿馬後庭玉樹不堪彤管之書左箇金繩寧問  
黃麻之賚臣下黷狀無色座右塵而不光自非  
咸虛爲懷寧動羹墻寤寐之想儻如冥命中止  
疇彰鹽梅舟楫之功昌期難逢喜起肴待茲蓋  
伏遇皇帝陛下瑞應穹霄道窺皇極引恬引養  
開正域于羣生宜君宜王坐壽朋于奕葉闐闐  
排而爐煙裊奉實錄於綠字丹書畧愚橫而墨  
露凝珍君鑑若青瑯白璧用人行政心花偕寶  
炬日齊輝剔弊釐姦意葢與聖田而共闢芳猷  
宛其如昨模範曠而日新一念靈承奠金甌而  
無缺兩代重洽鞏盤石于永清白雲捧玉皇近  
臣知天顏之喜黃閣戴寵命染翰沐恩波之淡  
旣廕子日冠裳復錫馬而蕃庶盒裏香羅重結  
鮫鮪繡作七襄紙上盤虬肆飛芙蓉砌來五就  
疏千百季之否塞分一二日之時幾盛事堪傳  
鴻休莫繼臣等識慙補袞材陋雕蟲濫側瑤階

不過纘修成憲猥蒙溫綍詎能揚厲休嘉珠璣  
落自九天頓令台垣月朗明良慶于一旦還欽  
仙仗雷傳殿閣風和永矢心膺之報旌旗日麗  
欲竭駒驂之誠敢不夙夜惟勤進忠而補過精  
白匪懈昭德曰塞違伏願顧史興思默契在天  
之靈爽宏化作則明倡率土之緝熙胥翼胥嚴  
掃攬捨于畧里亦臨亦保式帝命于九圍上光  
祖功芑豐綿燕翼之澤下庇兆姓桑扈騰虎拜  
之歡玄袞映山龍聿用寢昌聿用寢熾綠圖授  
河馬於斯卜世於斯卜季臣等云云

擬鳳凰見于潁川上免稱賀諭百官共圖

治理曰答嘉瑞廷臣謝表

天啓四季

伏曰皇極赫昭九苞煥文明之彩聖衷益惕百  
僚沾綸綍之榮兆福祉于郊極和風日靄勵股  
肱于殿陛瑞色雲鋪紀祥動一堂之歡交警垂  
千官之鑑惟今稱盛亘古爲允臣等誠惶誠恐  
稽首頓首竊惟天人一理若匏笙呼吸之相通  
休咎先徵如蕤鐵踴躍之必應故舜懷勅典來

儀偕千羽已翱翔繼文修惠和鳴岐映朶恩而  
賁止離宮異色軒轅丘上映德輝鶉火凝精天  
老辭中呈奇瑞惟伶倫截竹於嶰谷律呂調肅  
雖之諧且離珠依樹於瓊枝飲喙燦瑯玕之美  
迨夏后食卵而鳳去隨尼父思玉已麟悲好鶴  
禽荒何裨戴仁抱義之食雄雞尾戚不見左聖  
右賢之姿胡曹之衣裳堪憐廟堂不書石龍  
氏之篆字絕響臣隣誰頌榮阿但扈軫車之前  
竟同葉龍之玩所已曹署懈怠於鷓鷯因之海  
宇寂寞於梧桐四靈畜於何季六彩降而無日  
自非聖化何觀嘉祥茲蓋伏遇皇帝陛下神格  
丹青德洽紫宙丕承丕顯衍燕翼已率龍炎宜  
君宜王藹日暄而濟雷動黔蜀之烽頓息鳥獸  
毳孳夫和風齊魯之鉦不鳴臣隣拜颺于協氣  
凡血氣皆切尊親之悃豈翺翹獨無道化之靈  
爰胥神翎適降潁水大庖峰蠻如削夷岑噴岓  
似圍翺劇其羽欲舞先落春花鏘鏘維音倦飛  
還聳秋葉不但龍門炤影首護青而尾嬰瑩夏

聳鳩雀攝威小音金而大聲鼓顧蛇頭魚翅彷彿帶崑丘之形况雞味鶴穎翩躚弄嶰山之影占之像天像地像日像月應之乃文乃武乃聖乃神方來歌舞于闕庭忽下傳宣於禁掖帝知遄止罔斁災異之懷臣奏休哉敬迓升恒之福載勞睿慮特軫治猷紫雲傍玉階看珠璣從天錯落紅藥遶金蘂喜絲綸向闕紛披百官惟欽勿貽諫珂定甲之笑曷方咸悅永慶嘉羽蜚翼之胎內安見遠于綠圖外攘名光於赤翻何勞詠天衢于棗據不必問南岳於劉禎誰甘鶉籠之容共佐蘭池之祉斯真凜已治如未治默狀答天心於聖心臣等才乏吐鳳識守么雛叨祿漫云蒼筤依稀藩籬之鷄尸位何比紫脫詎是崑崙之毛仰體宸衷逾切竭蹶驚一羽入漳浦上藥莫療羨七德跨僊源炙笙肴鳥敢不共殫筋力冀布羽儀伏願永堅淵水遠追雉頭之蹟勿萌荒怠廣開雞綬之羅侶九翼而乘雲矢音蘭殿叶一穗呂盈軻飛翰竹宮老鳳不蹲於池

揚山園選集 卷十四  
邊因嘗保章之詞韻扈閣續徽于穴上伊品朝  
陽日齊芳止黃帝之東園華絳五文無韻笑昌  
陵之西域桑鳩七子應慙不必問棲止於靈洲  
何須羨飛翔而化石中興振藻奕代流馨三百  
六十羽蟲羣歸神鳥之瑞億萬八千國祚永頌  
皇王之休臣等云云

擬錦州寧遠屢戰克捷獻俘論功行賞羣  
臣賀表

天啓七年

伏以聖武天開薄伐中華生氣色奇謀電耀紀  
勳上塲蕩妖氛方洗甲于銀河龍樓錫綵堪酬  
勞于玉冊鴻典流芬山海增輝人民胥慶臣等  
誠懽誠忭稽首頓首竊惟東域夙稱萬鞬頻季  
矣逞天驕完顏骨打之遺仍毛憐海西之受併  
市關請印敢于臥薪殘瀋襲遼公狀芟舍石門  
鍊嶺芙蓉入邊塞之愁開原廣寧雨雪帶春圍  
之夢可憐義軍四畧火燐犀渚尙飛紅至今歷  
載十餘蟣蝨鴨江空炤綠數勤肝食主雖亾而  
子躍釜中未振元戎黨弗俊而羣遊几上悲笳

隱木葉遂復踏破朝鮮騰馬嘶覺華竟爾攻圍  
寧錦斯固天擠之毒麟麟不返觥輪豈非神痺  
其兇鏘鏘盡縛夔鼓故鐵林七萃特勅兩壁之  
戎行蓬乾三驅幾刻百季之鹵運茲蓋伏遇皇  
帝陛下乾符握赤睿略凝玄纂三統于重光徇  
齊出震應千齡于累洽赫德作離疏地脈呂流  
膏灑天衢而霏露祚命垂則祥蒸至鳳之郊寧  
極固淡教被無龍之國顧惟東事未戡必仗中  
樞克勦君集渡流沙樵蘇無侮藥師馳大漠鳧  
藻能和五道出將軍寧枯青艸三河求俠少豈  
愛黃金廟廷握奇謀田禽賴丈人之貞正斥埃  
授方略梁輶念君子之德音險防不啻玉門關  
氣雄直擣黃龍府負藺已銳烽煙何慮徹甘泉  
著翅同仇部曲驚看衝碧落于是  輕遠鬪  
幾空老砦之巢恃此虎豹遵祕韜遂落敵人之  
膽礮石與飛虫爭迅轡輻共洊霆同摧南斗避  
寶刀舉崑崙呂壓細卵朔風吹鐵騎掬滄海而  
灌熒蒿八陣四奇喜艸露布之語一月三捷堪

刻石鼓之文已安半壁之乾坤忽動八埏之歌  
舞迨繫獻闕天顏胥喜捧禁雲及馳檄傳邊  
玉漏無聲吹樂鷺歆九廟之靈貺帝曰允茲膚  
功慰三韓之燹焚人言賴厥薄伐聞闔新開恩  
影麗瑞靄五色兮分麒麟遠上鑪煙通寒風雨  
觀競爽不必伯禹之越彭蠡可嗣皇帝之登崆  
峒橫艸偉功堪勒通侯鉅典賜車重器足酬猛  
士英思胥命頒自大君三錫叶地水之卦來鋪  
光于式辟一卣賡江漢之詩庶鱣鯢載捷書博

來玉帳之錦將日月銷兵氣擎出金版之華臣  
等覩盛事之輝煌自愧請纓無術慶熙時之赫  
濯幸隨執戟同歡相率趨蹌嚮彤墀而拜舞胥  
懷懲毖望翠輦已颺言伏願外懼常懸立刷鎧  
馬于青海內修益備務掃天狼于玄菟覽王粲  
之俞兒方知板楯路苦詠傅玄之遼曲翻覺鞮  
鞞沙淡必掛寶弓于天山脆祿麟閣緬鄙香火  
于漢室葵績龍城邦殿曷季燕及四寓寧直楛  
矢駮駟共圖王會于國門行見濊獯邏些長被

皇釐于疆界臣等無任云云

謝恩賜瓜果餅扇筆札表

崇禎某季月日右遣中使某奉宣恩命暑盛兮  
臺賜臣瓜果餅扇筆札等伏臣珍錯玉庖近出  
于北闕斑管蜀箋遠獻于南州其品潔清其味  
甘縈其器密縝其統馨香曲被生成之慈弘恤  
渴飢之隱頓忘炎氣總畀仁風陛下體于勞臣  
敬于藹士一堂商議既似父子家人終日咨詢  
又如風雲負水比乎萍實味非凡間等于蔗漿  
涼生內地分甘解慍功勳無一寸之微染翰飛  
煙恩賚胥千鈞之重感逾食楫報紀書紳臣無  
任欣慶屏營之至

謝恩賜白金紅緞表

右遣某官奉詔口宣賜臣白金二十兩紅緞四  
疋者伏臣裹蹄寶色荷嘘于紅雲繡裳織文蒙  
輝于華日臣胥何勩帝賚殊榮侍講幄之前陳  
譔略無可采屢諫書之上懷匡又非所長璀璨  
兼金淡懼伐檀之詠組綦重錦祇慄在梁之譏



同于解衣渥于頒鑑惶且失次感不能名臣無  
任戴舞懇款之至

謝恩賜鱒魚珍味表

右遣某官奉宣恩旨賜臣鱒魚等珍味臣竊位  
石渠混職金馬恐速官謗不及釣徒驚捧嘗新  
駭跼沾惠涓滴之效內訟人官簞食之中遙承  
天饌皇上不知為魚目臣子實叨于簞笲江湖  
之思不覺姑舍籩豆之事敢問司存大瀝丹誠  
窄酬玄貺臣無任感戴屏營之至

